



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. D. N. Benedicti XIV. Declaratio Super Matrimoniiis Inter
Protestantes Et Catholicos**

Benedikt <XIV., Papst>

Coloniæ, 1746

VD18 1439684X-001

5. Adduntur doctissimæ Annotationes Illustrissimi Archiep. Philippensis.

urn:nbn:de:hbz:466:1-40802

D.

ADNOTATIONES
SECRETARII
IN CAUSA

Iren. Visitationis Sacrorum Liminum.

ARTICULUS PRIMUS.

An Decretum Sacri Concilii Tridentini Cap. I.

Seſſ. 24. de Ref. Matrim. fuerit in Hollandia, cæterisque Provinciis Confœderatis promulgatum.

R Eligiosissimus Hispaniarum Rex Catholicus Philippus II., ut eximio, quo erga Apostolicam Sedem cultu, studioque gloriatur, ejus Ecclesiasticis Sanctionibus obsequetur, quum primùm accepit, Sacrosanctæ Tridentinæ Synodi Decreta fuisse à Summo Pontifice Pio IV, solemini sua Constitutione sub datum dici 24. Januarii 1564. confirmata, statim edidit, ut eadem in singulis Statibus, atque Provinciis sibi subjectis promulgarentur, utque Reatores, ac Præsides ipsorum Statuum, & Provinciarum curarent ibidem ea recipi, atque observari: Id verò cum feliciter in Hispaniarum Regnis successisset, non æquà rerum tranquillitate, pa- riique animorum consensione obtineri potuit in Belgio, aliisque finitimis Provinciis, quas eo tem- pore Regis Fratris sui nomine gubernabat Marga- rita Austriaca, Parmensis nuncupata: Licet enim

C. S.

Phi.

Philippus Sororem Suam monuisset. In diligentissima publicatione, & celeri executione Concilii Tridentini nullo motivo impediri debet. Iterumque aliis in literis eidem mentem suam aperuisset in hæc verba: *Nobis nullomodo placeret, ubi minimum quid in publicatione Sanctæ Synodi exciperetur, ne querelis ansam demus; Iura Regis, & Provinciarum, omnibus ritè perpensis, dum de Concilio promulgando in Hispaniis agetur, easdem, subministrabunt difficultates; ast ubi datum aliquod temperamentum, omnis evadet discussio; ac ita desiderat ipse, ut eandem in Flandria sequantur methodum.* Quæde causa mittit copiam formæ promulgationis in Hispania factæ, ut omnes populi suo subditi imperio eandem imitentur normam. Juxta testimonium, quod hac de re perhibet Clar. Mem. Card. Pallavicinus in Histor. Concil. Trident. lib. 14. cap. 12., Tot tamen, tantique tumultus sub illa tempora, & ea occasione in prædictis Regionibus sunt excitati, ut merito in controversiam revocari posse videatur, num Sacrum Tridentinum Concilium, & præsertim ejus cap. 1. sess. 24. de Reform. Matrim. fuerit in Hollandia, cæterisque Provinciis Confoederatis, juxta legem ab eodem Concilio indicatam, promulgatum; cùmque ad rem, de qua agitur, id præ primis stabiliendum sit, haud inutile erit, momenta, quæ in utramque partem adduci possunt, paulo fusiūs exponere.

2. Ut itaque exordium sumatur ab iis, quæ promulgationem Tridentinæ Synodi in enunciatis Regionibus secutam videntur evincere, occurrit primò authoritas plurium non obscuri nominis Historicorum, qui referentes præmissos Catholicis Regis

Regis Philippi jussus , eosque tantā animi firmitate ab ipso iteratos , posthabitis quibuscumque Magistratum multipliciter obnitentium contradictionibus , omnia , & singula Tridentinorum Patrum Decreta sine ulla penitus imitatione promulgari præceperit , inde conjectant , afferuntque , ejus imperatis fuisse paritum ; uti præ cæteris videre est apud Spondanum ad annum Christi 1565 . num. 5. , Famianum Strada de Bello Belgico dec. 1. lib. 4. in fin. Card. Bentivoglio delle Guerre di Fiana lib. 2. pag. Mihi 22. , & Card. Pallavicinum in Histor. Concil. Trident. lib. 14. cap. 12. , qui , post relatas præinsertas Philippi literas , in hæc verba concludit : *Pietas illa Philippi Regis uti & ea Sebastiani , ac Italorum Principum Concilio subjectas indicavit Regiones occidentales unius & alterius orbis , partem septentrionis , Indias , Orientales , multasque Africæ plagas.*

3. Secundò in eamdem sententiam conveniunt graves Theologi , & Canonistæ ; ubi enim agunt de famigerato Tridentinæ Synodi Decreto irritante Matrimonia , quæ sine Parochi , ac duorum saltuum testium præsentiâ imposterum contraherentur , appositiè tradunt , eamdem Synodus fuisse in saepedictis Provinciis evulgatam , inter quos sunt Bruno Neusser Disput. 182. num. 4. , de Veryviis art. 1. , Reiffenstuel. in Jus Can. lib. 4. tit. 3. §. 3. num. 137. in fin. Schmalzgrueber eodem loco num. 115. & seq. Verricell. de Apostolic. Mission. tit. 12. de Matrim. quest. 172. sect. 1. , Platelius in Synopsis Cursus Theolog. par. 5. cap. 7. §. 5. de Clandest. Matrim. num. 1123. , Arsdekin. Theologia Tripartit. Tom. 2. par. 2. tract. 4. cap. 8. de Matrim.

§. 4. num. 2., *La Croix Theolog. moral. lib. 6. part.*
 3. de Matrim. num. 767., *Eminentissimus Petra*
in suis doctissimis Commentar. ad Const. 2. Ieannis
XXII. n. 23. tom. 4., & alii.

4. Tertiò concurrunt testimonia, quæ non
 semel perhibuere tum Apostolici Vicarii, tum
 Missionarii in eas Regiones allegati; quippe qui
 consulentes modò unam, modò alteram ex Sacris
 Congregationibus Urbis, num Matrimonia ibi
 coram Acatholico Ministro inita deberent rata cen-
 seri, juxta casus expositos in Folio in hanc Cau-
 sam distributo sub diem 17. Augusti superioris an-
 ni §. *Verumtamen*, & duob. sequen., pro certo
 assumere videntur, Tridentinum fuisse illic pro-
 mulgatum; secus enim dictorum Matrimoniorum
 validitatem, quam de cætero conati sunt aliquan-
 do propugnare, in defectu promulgationis Tri-
 dentini facillimè constituissent.

5. Accedit demum non semel pandita Sacra
 hujus Congregationis opinio; sive enim attenda-
 tur Dubium in Causa *Hollandia Matrimoniorum*
 in hæc verba conceptum, - *An in Provinciis Belgii*
Confœderatis valeant Matrimonia Catholicorum
cum Etherodaxis contracta coram Magistratu hære-
tico, non obstante Decreto Concilii de Solemnitatibus
Matrimonii in illis Provinciis publicata, & recepto,
cui sub diem 23. Augusti 1681. rescriptum fuit:
Ad mentem cum Sanctissimo: Mensautem explica-
ta est - Si esset respondendum, respondendum esse
negativè, - ut in lib. 31. Decr. pag. 452.; sive ra-
tio habeatur posterioris Resolutionis datæ in Bos-
culdenc. Matrimonii 3. Februarii 1683. ubi,
disceptatis Dubiis I. An si quis, dum erat hereti-

cus, Matrimonium contraxit coram Magistratu, vel Ministro heretico, & postea convertatur ad fidem Catholicam, requiratur ad validitatem hujusmodi Matrimonii novus consensus utriusque Conjugis, vel Conversi tantum. II. An, quatenus hujusmodi novus consensus praestari commode nequeat, nihilominus indulgendum sit, ut in hujusmodi Matrimonio possit Conversus licite perseverare, rescriptum pariter fuit - *Ad mentem*, - quæ in hunc pariter modum legitur exposita: *Mens est*, quod servetur id, quod fuit observatum in simili casu à Sacra Congregatione Concilii in una Hollandiae Matrimoniorum 13. Augusti 1681. lib. 33. Decret. pag. 52. & seqq., res utique absoluta videtur, Sacram Congregationem de sufficienti promulgatione Tridentini Concilii, & signanter ejus Decreti sub cap. 1. Sess. 24. de Reformat. Matrim. jam pridem secuta in Hollandia, aliisque Confœderatis Provinciis nequaquam dubitasse.

6. At adversus hæc non levia sunt, quæ opponuntur, quæque, si non probant omnino per negativam, ut dici solet, coarctatam, Tridentinum in Hollandia, aliisque confœderatis Provinciis promulgatum non fuisse, rem saltem videntur in magna dubietate constituere; siquidem pro eo, quod pertinet ad historica monumenta, ponderandum in primis sese offert, omnes fermè Authores in eo convenire, quod sub annum 1564. truculentissima bella, civilesque seditiones cæperint in dictis Provinciis excitari, ita quidem, ut in sequenti anno 1565. jam fuisset illuc ab Heterodoxis lethale heresis venenum latè diffusum: unde Altaribus præsertim dirutis, sacris Imaginibus è Templis

Templis undequaque abrasis , falsaque Doctrina
 ab Exedris publicè disseminatâ , Catholici Pastores
 à Parochiis suis exulare cogerentur , ac mala tan-
 dem eòusque devenerint , ut circa annum 1572.
 totam fermè Hollandiam , Zelandiam , ac Frisiā à
 Catholico Rege , & ab avitâ Religione miserimè
 defecisse , enarrent *Famianus Strada de Bello Belgico*
dec. 1. lib. 4. in fin. Card. Bentivoglio delle Guerre
di Fiandra lib. 2. pag. mihi 22. hinc enim videtur
 inferri posse , Tridentinum Concilium , ac præci-
 puè Decretum cap. 1. *Seff. 24. de ref. Matr.* nequi-
 visse iis in Regionibus promulgari , quemadmo-
 dum ratiocinantur nonnulli Authores , quos tacito
 nomine refert *Marchantius in Tribunal Sacram.*
Tom. 3. part. 3. tractat. 1. tit. 7. quæst. 10. concl. 3.
 ubi primùm sic habet : „ Porro quidam chronolo-
 gico argumento non malè probant , Concilium
 Tridentinum , & hanc maximè legem de præsentia
 Parochi , nec sufficienter promulgari , nec ulu-
 communi firmari à principio in Hollandia po-
 tuisse ; quia anno 1563. quo primùm Romæ
 promulgatum est , in Provinciis illis Belgii erant
 truculentissima bella , & seditiones civiles , hære-
 ticas , & hæresibus jam grassantibus , & venenum
 suum diffundentibus , ita ut anno 1565. Templa
 spoliarentur , Iconoclastarum furore Imagines &
 Altaria destruerentur ; Pastores suis Parochiis ex-
 turbarentur , conciones hæreticæ publicè fierent ,
 boni , & fideles Reges exularent , donec tandem
 anno 1572. tota Hollandia , Zelandia , Frisia à Re-
 ge Catholico , & avitâ Fide deficeret , : deinde
 verò ex recensita historia in hæc verba concludit : „
 „Quis hisce concussionibus , & turbulentio Patriæ
 statu

„statu credat, Concilium Tridentinum in Locis
 „tam afflictis fuisse legitimè promulgatum & usu
 „communi Legem de præsentia Parochi receptam?
 „Maximè cum Parochi exularent, ita ut nullus Sa-
 „cerdos auderet comparere, unus fuerit Fidelium
 „luctus, quod ad Sacraenta etiam necessaria, quæ
 „horum plenam fidem faciunt. Et quamvis re ipsa
 Tridentinam Synodum à Friderico Schenkio
 primo Ultrajectino Antistite semel, iterum, ac ter-
 tio sub annos 1565. 1566. & 1570. ab Archie-
 piscopis Cameracensi, & Mechlinensi, & demum
 ab uno ex Suffraganeis Ultrajectinæ Sedis, nimi-
 rum ab Episcopo Daventriensi, promulgatam
 fuisse, referat *Author Bataviæ Sacræ par. 2. n. 19. &c seq.*, dubitandi adhuc locum de sufficienti saltem
 promulgatione evidentur præbere difficultates, im-
 pedimenta, atque oppositiones à Cathedralium, &
 Collegiarum Capitulis, Archidiaconis, aliisque
 inferioribus Prælatis, itidemque à secularibus ea-
 rumdem Provinciarum Magistratibus interjecta,
 ne Tridentinæ Sanctiones publicâ authoritate pro-
 mulgarentur; magisque, in earum fieret acceptatio,
 vel sequeretur executio, quemadmodum ex Histo-
 ricis scripsere *Card. Bentivoglio delle Guerre di Fi-*
andra lib. 2. fol. mihi 45. 48. & 117., præcitatus
Author Bataviæ Sacræ part. 2. pag. 19. & seqq.,
Hoynck Van Papendrecht, in hist. Eccl. Ultraject.
pag. 6. & 7. & in ejusdem specim. Grud. Broeders.
pag. 30. & 31. & præceteris Nicolaus Burgundus
Belga, & author accuratissimus rem totam in hæc
verba exhibens:,, Primus omnium Archiepiscopus
„Cameracensis, nec sine contentione (Concilium
„Tridentinum) vulgavit. Eamdem enim Regio-
„nem

„nem nec dum contagio latè infederat. Post mul-
 „tum demum temporis Mechliniensis ægrè obti-
 „nuit; Ultrajectino pertinacius contradictum.
 „Canonici insolitam severitatem aspernabantur,
 „spernendi morum, & licentia assueti, cum Archie-
 „piscopo crebrò intendebant certamen, cuius fru-
 „galitatem pro vitiis oderant. Frisiorum Civitates
 „misère Legatos in Curiam; opponentibus Majo-
 „rum mores, & Constituta, responsum fuit, nihil
 „adferri, cur morarentur desiderium Regis, quod
 „cæteræ Provinciæ tam promptè absolverant. Nec
 „eosdem nunc scrupulos sibi primùm moveri: Plu-
 „res Provincias idem agitasse; sed manere Jura sua
 „cunctis integrâ, quoad disquisierit Rex, quid de
 „his fieri placeat. Non movebant hæc Frisos ob-
 „stinatos adversus imperium; multisque contradic-
 „tionibus autoritatem Gubernatricis destructam
 „sequens motus languentem extinxit.

8. Augetque dubitandi occasionem defectus
 certi alicujus monumenti, ex quo peculiariter elici-
 queat promulgatio sæpedicti cap. 1. Sess. 24. de Re-
 form. Matrim. ; Cum enim præcitati Authores
 eam videantur inferre ex sola generali promulga-
 tione Concilii Tridentini; hæc tamen sufficiens
 non præbet argumentum afferendi, quod factum
 fuerit satis legi indictæ à Tridentinis Patribus, qui
 de hac sanctione agentes præceperant omnibus
 Ordinariis, „ ut cùm primùm poterint, curent
 „hoc Decretum Populo publicari, ac explicari in
 „singulis suarum Diœcesum Parochialibus Eccle-
 „siis; idque primo anno quām sæpiissime fiat: de-
 „inde verò, quoties expedire viderint: utque hu-
 „jusmodi Decretum in unaquaque Parochia suum
 „robu-

,, robur post triginta dies habere incipiat à die pri-
 ,mæ publicationis in eadem Parochia factæ nume-
 randos, „ & notant Fagnan in cap. Quod à Prede-
 cessore i. n. 143. de Schismatic. , Reiffenstuel in
Jus Can. lib. 4. tit. 3. de Clandestin. despon. n. 21.
 Schmalzgrueber eodem loco §. 2. num. 98.

9. Et sanè ipsi quoque Historici Scriptores, pro-
 mulgatum afferentes Tridentinum in illis Provin-
 ciis, nullum adferunt testimonium, ex quo com-
 pertum fiat, toties dictum Decretum aliquo tem-
 poris spatio fuisse inibi observatum; quum de cæ-
 tero validius argumentum pro inferenda promul-
 gatione memorati Decreti iüs in locis, ubi satis de-
 illa non constat, erui soleat ex observantia, si nimi-
 rum doceatur, ibi aliquando Matrimonia cum Pâ-
 rochi, ac Testium præsentia fuisse celebrata, ut
 appositè notant Fagnan. in dicto cap. Quod à Prede-
 cessore. i. num. 143. de Schismatic. Pignattelli
 Tom. 4. consult. 79. num. 40. Schmalzgrueber in *Jus*
Can. lib. 4. de Clandest. desponsat. §. 2. num. 100.
 & Marchantius in *tribunal. Sacram.* Tom. 3. part.
 3. tract. i. tit. 7. quæst. 10. Concl. i. utens hoc ar-
 gumento sic ait,, In locis Hollandiæ, Zelandiæ,
 , Frisiæ &c. in quibus non constat, legem Triden-
 tini fuisse legitimè promulgatam, & ex vi ejusdem
 „ Concilii aliquo notabili tempore, saltem unius,
 „ vel alterius anni, communiter, & passim obser-
 ,vatam, pro non promulgata habenda est; „ & con-
 sonat Rescriptum Sacrae Congregationis relatum
 per Farinac. par. 4. decis. seu Resolut. ejusdem Sacrae
 Congregationis fol. mihi 271., ubi eadem Sac. Con-
 gregatio, ab Episcopo Tricariensi consulta circa
 formam Matrimoniorum, quæ in partibus Hollan-
 dia,

diæ, Zelandiæ, & Frisiæ contrahuntur, ita respon-
 dit: „ Ubi hoc Decretum nondum est publicatum
 „ in Parochia, valet Matrimonium contractum ab-
 „ que observatione formæ à Concilio præscriptæ,
 „ Publicatio autem Decreti facta præsumitur, ubi
 „ Decretum ipsum fuit aliquo tempore in Parochia,
 „ tamquam Decretum Concili, observatum „ In
 idemque collimat altera Resolutio edita in Constan-
 tinopolitana 2. Decembbris 1634., in qua respon-
 sum fuit Rituale Romanum de Sacramento Ma-
 trimonii continens formam Decreti Sacri Con-
 cilii cap. 1. Sess. 24. de refor. Matr. observatum
 „ in singulis Parochiis Civitates Peræ tamquam De-
 cretum Sacri Concilii, & Summi Pontificis Ro-
 mani, inducere sufficientem præsumptionem pu-
 blicationis ejusdem Decreti, ita ut in celebratione
 Matrimoniorum pro illorum validitate servanda
 sit forma ab eodem Sac. Concilio præscripta, „ ut
 in lib. 15. Decr. pag. 130. Unde à contrario sensu,
 ut dici solet, meritò inferri posse videtur, quod,
 ubi minimè constat, controversum Tridentini De-
 cretum fuisse aliquando observatum, non debeat
 promulgatum censi.

10. Neque magnum momentum videtur con-
 stitui posse in aliis Resolutionibus ejusdem Sacra
 Congregationis præcedenter allegatis ; quippe
 quæ declarantes invalida Matrimonia in sæpedictis
 Provinciis confederatis absque Parochi, & Te-
 stium præsentia celebrata, tametsi citra dubium
 innitantur assertæ promulgationi Concilii ibidem
 secutæ, nusquam tamen appetet, iisdem Resolu-
 tionibus præcessisse sedulam, maturamque investi-
 gationem, num revera promulgatio Concilii Tri-
 dentini

dentini in iis Regionibus fuerit ritè expleta; adeo-
ut prudenter liceat opinari, facilem fortasse Sacram
Congregationem præstitisse fidem Missionariis, &
Vicariis Apostolicis, qui, sufficienti rerum inda-
gatione non præmissâ, eas tantùm promovebant
quæstiones, quibus dispositio Tridentini, quate-
nus promulgata, & usu recepta, locum præberet,
quenadmodum benè colligitur ex verbis, quibus
conceptum fuit dubium in præcitata Causa *Hol-
landia Matrimoniorum*, præferens tanquam rem
sub disputatione tunc minimè cadentem, quod
Decretum Concilii de Solemnitatibus in Matri-
monii contractu servandis fuisset in illis Provinciis
nedum publicatum, sed etiam receptum.

11. Quin verò haud inconsultò explicitum cen-
seri debet in memorato Dubio discusso pro Causa
Hollandia Matrimoniorum, quòd sæpedictum Tri-
dentini Decretum fuisset in iis Regionibus non
solùm promulgatum, verùm etiam receptum: quia,
si S. Congregationi sola qualiscumque publicatio
fuisset exposita, ita ut Eminentissimi Patres suspi-
cari potuissent, Decretum illud nunquam ibi fuisse
usu receptum, difficiliùs fortasse emanasset Rescrip-
tum declarans, Matrimonia Catholicorum cum
Heterodoxis contracta coram Magistratu hæretico
non valere; cum plures numerentur Doctores
opinantes, præmissam Tridentini Legem, ubi ea
recepta non fuit, minimè obligare taltem ad effe-
ctum, ut irrita dici debeant Matrimonia, quæ
sine forma per illam præscripta fuerint celebrata, ut
in specie præter alios tuentur *Gutierrez de Matrim.*
pag. 61. num. 12. in fin., *Sanchez lib. 3. disput.*
18. num. 1., *Castro Palao de Sponsal. disput. 2.*

punct. 13. §. 8. num. 3., Piring. in jus Canon. lib. 4.
et Clandestin. Desponsat. num. 9., Schabog. num. 8.
Konig. num. 27. Wiesner. num. 23. Schmalzgrueber.
§. 2. num. 97., & Zoef. de Clandest desponsat. num.
21., ubi haec habet: *Quamvis Ecclesia, ejusque
Caput Romanus Pontifex immediate à Deo suam ha-
beat authoritatem, ut possit irritos reddere contra-
et us clandestinos independenter ab acceptatione Po-
puli; judicavit tamen expedire, non ante eos irri-
tare, quam per subordinatas Ecclesiarum Potesta-
tes in suis Provinciis esset acceptata irritatio. Posset
enim ex eare gravius malum oriri. Itaque, ante-
quam acceptetur irritatio, licet non sine peccato quis
refragetur, clandestina Matrimonia sunt valida;*
& brevius eamdem Sententiam tradit Gobat. tract.
9. cas. 18. num. 456. ibi = *Attamen non sufficit pro-
mulgatio, sed requiritur acceptatio = Marchantius
in Tribunal. Sacram. Tom. 3. tract. 1. tit. 7. quest.
9. Conclus. 1. ibi = Ubi Tridentinum communis usu
receptum non fuit, et si forte promulgatum, ibi non
obligat praesentia Parochi tanquam necessaria condi-
tio ad valorem Matrimonii, Reiffenstuel. eod. tit.
num. 119. ibi = In locis, & Provinciis, ubi Concilium
Tridentinum promulgatum quidem, sed recep-
tum non est quoad dispositionem de Matrimonio Clan-
destino, Incole illius Loci valide contrahunt Matri-
monium absque praesentia Parochi, & Testium.*

12. Inde que alia successit opinio, quod, si pro-
babilis subsit dubitatio, num toties memoratum
Tridentini Decretum fuerit aliquo in loco pro-
mulgatum, aut si promulgatum, non constet, fuisse
receptum, Matrimonia ibidem absque Parochi, &
Testium praesentia contracta pro Validis haberi de-
beant.

beant; ad tradita per Navarr. de Clandest. desponsat. conf. 2. num. 6., Marchantius dicto tit. 7. quæst. 10. concl. 5., Gobat. in append. 1. ad cas. 18. num. 501. litt. E. Pichler. de Clandest. desponsat. n. 12., Et rescripsit Sacra Congregatio in Antuerpien. lib. 1. Decr. pag. 74., & ubi etiam ejusmodi sententiis nolit adhæreri, illud saltem colligi posse videtur, quod nisi Sacrae Congregationi expositum fuisset, sacerdictum Tridentini Decretum fuisse in Hollandia promulgatum, atque receptum, de ipsa promulgatione morosior Sacra eadem Congregatio investigasset, an actus assertæ promulgationis juxta mentem Tridentinorum Patrum in singulis Parochiis, & juxta methodum à Sacro-Sancta Synodo præscriptam fuisset expletus.

13. Cum itaque ab editis Resolutionibus inferri nequeat, satis constitisse Sacrae Congregationi Concilii, quod Decretum Tridentini, de quo agitur, fuerit in Hollandia, aliisque Confœderatis ritè promulgatum, prudenter utique ex rationibus superius allatis de ipsius sufficienti publicatione videtur dubitari posse; donec autem dubium eliminetur, ac rei veritas elucescat, non debet ab ea recedi sententia, quæ Matrimonia sine Parocho inibi validè celebrari tuetur, cum in dubio possessionis legis standum sit pro libertate quemadmodum de omni lege tenent Salas par. 2. tract. disput. unic. sect. 18. num 189. Azorius par. 1. instit. lib. 2. cap. 19. quæst. 12. Tamburin. in Decal. lib. 1. cap. 3. verb. leges. & præcepta n. 1., & interminis de hoc Tridentini Decreto afferunt. Navarr. de clandest. desponsat. cons. 2. n. 1. prime edit., Marchant. cit. tit. 7. quæst. 10. concl. 3. Gobat. in ap-

pendic. I. ad sapientiam citatum casum 18. n. 501. lit.
E. Pichler. tit. de clandest. desponsat. num. 12., alii-
que passim.

14. Hæc sunt, quæ circa propositam quæstio-
nem, num Sacrosancta Tridentina Synodus, &
præsertim ejus Decretum Sess. 24. cap. I. de refor-
mat. Matrim. fuerit in Hollandia, cæterisque Pro-
vinciis Confœderatis jamdudum jussu Catholici
Regis Philippi II. sufficienter promulgatum, vi-
dentur expendi posse. At ubi de sufficienti, &
legitima promulgatione sub iis memorati Regis
temporibus secuta certum nequeat proferri judi-
cium, adhuc supereft examinandum, an saltem
quoad Catholicos successu temporis idem Decre-
tum ita in illis Regionibus publicatum dici queat,
ut Matrimonia, quæ ab ipsis, ejus formâ non ser-
vata, contrahuntur, irrita censenda sint.

15. Sanè Fidelium cætus post bella, & seditio-
nes, quæ in Hollandiam, cæterasque confœdera-
tas Provincias novum Gubernii genus demum in-
vexere, paulatim cæpit una cum Episcopis, Vic-
ariis, & Missionariis Apostolicis ibidem restitui, &
pacifice adeo conquiescere, ut verosimillimum ali-
quibus reddatur, eosdem Episcopos, & Vicarios,
seu Missionarios Apostolicos Catholicis illiç de-
gentibus præfatum Tridentini Decretum ritè de-
nunciasse, plurimùmque ejus observantiam ursisse,
uti præceteris ad rem nostram ratiocinatur *Mar-*
chantius in Tribunal. Sacram. tract. I. tit. 7. quæst.
9. conclus. 4. ibi - Restituto tantisper cætu Fidelium
in Hollandia, Episcopis, & Vicariis Generalibus, Pa-
rochis, & aliis Ministris Catholicis restitutis per
Hollandiam maxime verisimiliter ab iis, qui Romana
Catholica

Catholica Ecclesiae adhaerent, Concilium Tridentinum, & ejus Leges, & specialiter de praesentia Parochi in Matrimonii usu communi receptae sunt, adeoque in locis, ubi de communi usu constat, lex de Parochi praesentia in Matrimonii jam obtinuit, nec absque validitate Matrimonii (ubi nullum esset periculum, aut justum impedimentum) omitti potest. Ratio est, quia, etsi in Territorio quoad politiam civilem Concilium Tridentinum possit supponi non receputum, quia tamen catus Fidelium in Politia Ecclesiastica Rempublicam quamdam facit, & in eodem Territorio Politiam Ecclesiasticam obtinet, legibus ejus usu receptis se conformare debet; suppono autem, legem de praesentia Parochi à Fidelibus velut in Parochias congregatis, ex zelo Fidei, & reverentia ad Ecclesiam Catholicam Romanam, & Tridentinum, ejusque leges, suscep tam, & Vicariorum Generalium in spiritualibus solitudinem introductam esse, adeoque regulariter, & communiter, ubi justum impedimentum non est, observari debere.

16. Et re ipsa de Vicariis Apostolicis Salboldo, Rovenio, necnon de Episcopo Castoriensi Vicario itidem Apostolico, qui, rebus postmodum in Hollandia pacatis, informando Fidelium Gregi juxta sanctiones Catholicæ Romanæ Ecclesiæ leges sedulo incubuere, testimonium perhibet Author. Bavariae sacra pag. 19., adeout mox allatum argumentum ex verisimilitudine depromptum, cui inititur Marchantius, non modici fortasse pondersis videri possit in finem concludendi, quod sacerdictum Tridentini Decretum, si non fuit in Hollandia aliisque confederatis Provinciis sub illa priora tempora sufficienter promulgatum secundum

dum iussus Catholici Regis Philippi II., fuerit saltem postea ab Episcopis, Vicariis, & Missionariis Apostolicis universo Catholicorum illuc degen-
tium cætui denunciatum, atque indictum; adeo-
que hæc etiam circumstantia, & temporum diffe-
rentia præ oculis est habenda, ut ex æquo judice-
tur, num ad evadendam ejusdem Decreti legem re-
satis tuta sit in asserto ejus legitimæ promulgatio-
nis defectu momentum constituere; quæ tamen
inspectio ad Catholicos potius, qui veram religio-
nem illic semper professi sunt, quam ad Hetero-
doxos, qui jamdudum à fide defecerunt, videtur
posse pertinere.

ARTICULUS SECUNDUS.

An Matrimonia inter Hereticos celebrata in Hollandia, Zelandia, Frisia, aliisque Provinciis confederatis sine Parochi præsentia, sed coram Magistratu, sive Ministro Acatholico sint valida.

17. **Q**uestio hæc assumenda proponitur de-
pendenter à judicio, quod priùs sta-
tuatur super articulo præcedenti, num
scilicet Decretum cap. I. de Ref. Matr. censeatur
sufficienter in memoratis Provinciis promulga-
tum; Quatenus enim, vel ejus publicatio non cre-
deretur ritè peracta, vel Decretum illud haberetur
tanquam vim legis obligatoriaæ non assecutum, ut
pote in iis Regionibus nunquam usu receptum,
prompta, facilisque esset decisio pro validitate
eiusmodi Matrimoniorum, quum, seposita obli-
gatione servandi formam à Tridentino præscrip-
tam,

ram, cæterisque cessantibus canoniceis impedimentis, citra dubium Matrimonia inter Hæreticos coram Ministro, sive Magistratu heterodoxo contracta deberent valida dijudicari.

18. At si de sufficienti promulgatione sæpedicti Decreti ad formam Tridentini usque ab initio sequuta constare reputetur, ita ut, neque de illius acceptatione, sive observantia nulla possit, debatye amplius quæstio institui, plura adhuc suspensunt ad propositi articuli definitionem dispi-cienda.

19. Et primò quidem ea præmitti debet regula generalis, quod, si in loco, ubi contingit Matrimonia celebrari, neque Parochus, neque Sacerdos ab eo deputatus, qui eisdem Matrimoniis valeat assistentiam præstare, inveniatur, vel si quis existat, Hæreticorum tamen metu latitet, sive tutus nequeat ad eum haberi accessus, rite, validèque nedum inter Hæreticos, verùm etiam inter Catholicos absque illius præsentia celebrari possunt Matrimonia, si modò, quantum cetero-quin fieri potest, adhibitiſ saltē duobus Testibus, forma à Tridentino præscripta servetur, quemadmodum ex Theologis tradunt communiter *Sylvius in Commentar. in Supplement. ad 3. part.*

S. Thom. qu. 45. art. 5. quæritur 4. Platelius in Synopsis curs. Theolog. par. 5. cap. 7. §. 3. de Clandestin. Matrim. num. 1123., Marchant. in Tribunal. Sacram. Tom. 3. par. 3. Tract. 1. tit. 7. quæst. 9. Concl. 5., Stephanus Bonvii de Sacram. tract. in quæst. 1. de Matr. Clandestin. circa fin. lit. D. & E. Arsdekin Theol. tripartit. Tom. 2. par. 2. Tract. 4. cap. 8. de Matrim. num. 3., & 4. Pontas. Dictio-

D S

mar.

nar. Theol. moral. verb. impedimentum Clandestinatis cas. 20. & ex Canonistis Zippaeus de Sponsat. & Matrim. num. 16.

20. Et consentaneè ad hanc Canonici Juris censuram consulta jam pridem Sacra hæc Congregatio de forma, sub qua Matrimonia in sæpedictis Provinciis forent celebranda, die 27. Martii 1632. in hæc verba rescripsit Episcopo Tricariensi,
 „Ubi constat, Decretum Sacri Concilii esse pu-
 „blicatum, vel aliquo tempore in Parochia, tan-
 „quam Decretum S. Concilii observatum, sed Pa-
 „rochialis Ecclesia, utpote carens proprio Parocho,
 „& cathedralis itidem Episcopo, atque Capitulo
 „habente facultatem alium Sacerdotem delegan-
 „di careat, nullusque alias ibi sit, qui vices Pa-
 „rochi, vel Episcopi suppleat, Matrimonium
 „valere absque præsentia Parochi, servata tamen
 „in eo, in quò potest, formâ Concilii, nempe
 „adhibitis saltem duobus, aut tribus Testibus. Si
 „existant quidem Parochus, vel Episcopus, sed
 „nullo constituto Vicario, uterque metu Hæreti-
 „corum lateat, ita ut verè ignoretur, ubinam sit,
 „vel eodem metu à Diœcesi absit, nec ad altera-
 „utrum sit tutius accessus, validum esse Matrimo-
 „nium contractum absque forma Sacri Concilii
 „Tridentini, adhibitis tamen, ut dictum est,
 „duobus Testibus, & consonat aliud antiquius Decretum, quod referunt Philippus Gama-
 cheus in 3. par. tract. de Matrim. cap. 28. in fin.
 Joannes Sotellius in declarat. Sac. Congregationis ad
 Trident. collect. in sess. 24. de Refor. matrim. cap. 1.
 Farinac. ibidem fol. Mihi 274. & Vericell. de Apo-
 stolic. miss. Tit. 2. de matrim. quæst. 174. Sect. 1.

21. Se-

21. Secundò adverti debet, magnam versari posse differentiam inter Matrimonia, quæ in memoratis Regionibus Hæretici contrahant inter se, & ea, quæ inter Catholicos tantum, sive inter Catholicum, & Hæreticum, vel è converso celebrentur; Plures enim Authores inferius recensendi, licet existiment, Matrimonia ibi ab Hæreticis inter se celebrata absque Parochi præsentia non esse invalida; secus tamen tenendum fore, tueruntur de Matrimoniis inter Catholicos ibidem initis, ut præceteris sustinent *Ivenin. de Sacrament. dis-*
sert. 10. quæst. 5. cap. 4. Merchant. in Tribunal.
Sacram. tract. 1. tit. 7. q. 9. concl. 4., & Platelius
in Synops. Curs. Theolog. par. 5. cap. 7. §. 5. de Clan-
destin. Matrim. num. 1123. ibi „ Petes tertio,
„ quid dicendum sit de Hollandia, aliisque locis,
„ in quibus Tridentinum aliquando fuit receptum,
„ sed modò subjacent Hæreticis Tridentinum non
„ recipientibus. An scilicet in istis Locis valeat
„ Matrimonium Clandestinum. Respondeo non
„ valere initum inter Catholicos illic habitantes, si
„ possit haberi Parochus, vel ejus Substitutus sine
„ gravi ipsius, vel Contrahentium periculo.

22. Et in terminis Matrimonii à Catholicis cum Hæretica, & è converso celebrati differunt *Rosignol. de Matrim. Tom. 1. disquisit. 1. prænot. 20.*
num. 1. pag. Mihi 61., & seqq. Verricell. de Apo-
stolic. Mission. tit. 12. de Matrim. quæst. 172. Sect.
42. 13. ibi: „ Respondetur tertio dicto, quod
„ duo Hæretici validè contrahant absque Parocco,
„ tamen secus est, si unus Conjux sit Hæreticus,
„ & alter Catholicus; nam ratione Catholicus cum
„ contrahatur in loco, ubi receptum est Decre-

, tum

tum Tridenti, adhibendus est Parochus. Pro-
 batur; nam ex Tridentino requiritur Parochus
 Viri, vel Mulieris, ergo, quidquid sit de viro
 Hæretico, mulier ligatur dispositione Tridenti,
 & sic ratione Mulieris est adhibendus Pa-
 rochus; quod pluribus exemplis ostenditur,
 quamvis enim Paganus non sit subjectus Eccle-
 siæ, nec ligetur constitutione Ecclesiastica, quia
 tamen Mulier Christiana subjicitur, ideo hæc
 sit inhabilis ad contrahendum cum Pagano, &
 sic indirectè Paganus subjicitur Legi Ecclesiasti-
 cæ, ergo licet Hæreticus non esset subjectus Ec-
 clesiæ, aut non haberet Parochum, & sic non
 teneretur observare Decretum Tridentini (quod
 est falsissimum;) tamen quia Catholica de cetero
 subjicitur, indirectè quoque Hæreticus cum ea
 contrahens ligatur, ut nequeat validè contrahere
 absque Parocho.

23. Hinc itaque progrediendo ad examen qua-
 stionis unicè versantis circa Matrimonia inter Ha-
 reticos celebrata iis in Locis, ubi constat, Decre-
 tum Tridentini fuisse sufficienter promulgatum,
 & ubi non desit copia Parochi, tutusque ad eum
 haberi possit accessus, fateri oportet concordem
 super ea non esse Doctorum sententiam, & gra-
 vès in utramque partem militare rationes; si qui-
 dem pro invaliditate Matrimoniorum, quæ illic
 fiant absque præsentia Parochi, & duorum saltē,
 aut trium Testium, etiamsi contrahantur coram Ma-
 gistratu, seu Ministro Acatholico, docet hujus sen-
 tentiæ Antesignanus P. Lessius in Actuar. ad pr. 2.
 verb. Præscriptio, quem sequuntur Basilius Pontini
 in appendic. de Matrim. lib. 5. cap. 7. num. 1., Bn.
 senb.

semb. in Medull. Theol. Moral. lib. 6. tract. 6. cap. 3. dispūt. 2.; La Croix lib. 6. par. 3. num. 769.; Rosignol. de Matrim. i. prænot. 20. num. i. tēm. i. pag. 6 i. & seqq., Zippæus lib. 4. de Sponsal. & Matrim. num. 15. Boff. de Matrim. cap. i. num. 78. Bellarmin. ad cap. 1. sess. 24. de refor. Matr. Verriell. de Apostol. Miss. tit. 39. quest. 174. sect. 1. & 4. Gobat. Theol. experiment. tract. 9. cas. 18. per tot.; ubi allegat judicium à Facultate Theologica Universitatis Viennensis post maturam rei discussionem latum 18. Maii 1665. Schmier. Jurisprud. Canonico civil. Tom. 3. lib. 4. tract. 3. cap. 5. sect. 4. §. 1. num. 86. Reiffenstuel. in Jus Can. Tit. de Clandest. despousat. num. 132. & signanter num. 138. Schmalzgrueber. cod. tit. decretal. num. 115. Pignatell. Consult. 79. num. 26. tom. 5. & consult. 104. tom. 8. & doctissimè Eminentissimus Petrus tom. 4. in Commentar. ad Constit. 12. Ioannis XXII. num. 20.

24. Præcipuum verò sententiæ hujus fundatum à præfatis Authoribus allatum in eo sistit, quod Hæretici Sanctam Dei Ecclesiam per Baptismi lavacrum ingressi, quemadmodum cæteris omnibus Apostolicis Constitutionibus subjiciuntur, ex Text. in Can. Non in vobis dē consecr. dist. 4. in Can. Quod quidem 1. & ex aliis pluribus, quos cumulat Gonzal. in cap. Sicut. num. 12. dē Hæretic. Ita etiam Tridentini Decreto formam in contrahendis Matrimonii servandam præscribenti obnoxii sint, eidemque sub pœna nullitatis suorum Matrimoniorum parere teneantur, ut in specie differunt Schmier. in Jus Can. lib. 4. tract. 3. cap. 5. sect. 4. §. 1. num. 86. Wiesner. in Jus Can. lib. 4. de Sponsal.

Sponsal. & Matrim. art. 9. num. 191. Verricell. de Apost. Miss. tit. 12. de Matr. quæst. 174. sect. 4. num. 9., La Croix Tom. 2. lib. 6. par. 3. de Matrim. num. 172., & Eminentissimus Petra in suis mox laudatis Commentar. ad Const. 12. Joannis XXII. num. 19. & 23.

25. E contra tamen eorumdem Matrimoniorum validitatem propugnant ex Theologis Layman. lib. 5. tract. 10. part. 2. cap. 4. n. 7., Tannerus Theol. Tom. 4. disput. 8. quæst. 3. Dub. 6. num. 122. Dicastill. de Matr. disput. 3. dub. 4. num. 24. Marchant. in Tribunal. sacr. tom. 3. par. 3. tract. 1. tit. 6. quæst. 4. Concl. 4. & tit. 7. quæst. 10. Sporer. Theol. Tom. 3. par. 4. cap. 1. sect. 1. num. 35. Arsfdekin. Theol. Tripartit. tom. 2. par. 2. tract. 4. cap. 8. §. 4., Platelius Theol. par. 5. cap. 7. §. 5. in fin., Marin. Theol. tom. 3. tract. 23. disput. 9. sect. 3. num. 44., Ivenin. de Sacr. dissert. 10. de matrim., Bonagratia in dissert. de matrim. Heretic. §. Ad primum, Henricus Mayer. in Opuscul. de Sponsal. & Matrim. num. 70., Joan. Moquitius in disput. de Nupt. Clandest. num. ult., Theophil. Raynaud. Heteroclit. spiritual. tom. 16. sect. 1. punct. 14. num. 8. & ex Canonistis Wex in Opuscul. Canon. Triden. de Sponsal. Piring. in Ius Canon. lib. 4. tit. de Clandestin. de sponsat. num. 12., Pichler. eod. loco lib. 4. tit. 1. num. 98. & tit. 3. num. 16., Wiesner ibidem tit. de sponsal. & matrim. num. 192. Konig. tit. de Clandest. despontat. num. 4., Kugler. de Matrim. quæst. 65. per tot. & Modernus Louaniensis de fur. Eccl. tom. 1. par. 2. tit. de Sponsal. num. 31., Martin. de Suvanen. de sponsal. duorum. Stalen. in dissert. Theo-Polit. de Matrim. Heret. par. 1. quæst. 4. & par. 2. cap. 4. 26. His

26. Hic autem præstat animadvertere, paucos ex mox allegatis Authoribus loqui peculiariter de Matrimoniis inter Hæreticos in Hollandia, aliisque confœderatis Provinciis contractis, sed plerosque agere de Matrimoniis in genere, aut de iis tantum, quæ in aliis Hæreticorum Regionibus, & præsertim in Germania, aut Gallia celebrantur: Præterea iidem Authores priorem sententiam, uti probabilem, admittunt, alteram verò veluti probabiliorem deprædicant; & demum illorum aliqui, post exposita utriusque opinionis fundamenta, aut à suo proferendo sensu abstinent, aut ingenuè concludunt, difficile esse, qui certi hac in re statuere, ut inter alios fatetur Konig, *in Jus Canon. lib. 4. tit. 3. de Clandest. de sponsat.* num. 4. vers. dico ibi - *Ne tamen quid dissimulem, memini,* me in proem. *Jur. Can. n. 9.* allegasse Declarationem Cardinalium ad Tridentinum dicto cap. 1. sess. 24. num. 10., in qua Sacra Congregatio expressè declaravit, *Matrimonia nulla esse, quæ Hæretici coram suo Prædicante celebrant in locis, ubi Tridentinum sit promulgatum, unde difficile est, quid certi statuere;* Quinimmò Apostolicæ Sedis definitionem necessariam esse, pridem sensit Guilelmus Estius in 4. distinct. 24. §. 9. in fin. „Huic malo, quod „ex Hæreticorum inobedientia nascitur, poterit „Ecclesia maturiori consilio, quod aliquando futurum speramus, occurrere, idque, vel explicantando Decreti sui sensum, vel novum Decre-“tum statuendo.

27. Rationum verò momenta, quibus Authores prædicti ad amplectendam libentius posteriorem sententiam Matrimoniorum validitati faventem

tem trahuntur, hæc potissima videntur esse. Primo quod in locis; ubi cum Catholicis permixti commorantur Hæretici; binæ debeant in quolibet Parochiali Districtu Paræciæ considerari, non loco quidem; sed fide, Doctrina, Religione, ac moribus distinctæ, altera nempe Catholicorum; altera vero Hæreticorum, qui unam Societatem, & Communitatem quoad spiritualia omnino separatam, distinctam, & diversam à Communitate Catholica constituunt, propriosque habent usus, cæmonias, & Ministros, seu Pseudo-Parochos, adeoque; cum in eadem asserta Hæreticorum Parochia Tridentini Decretum nunquam fuerit rite promulgatum, minùsque usu receptum, nequeat eorumdem Hæreticorum Cætus lege, & formâ in eo Decreto præscriptâ censeri obstrictus, tametsi in Catholicorum Parochia Decretum illud fuerit promulgatum, atque inter istos usu receptum, eo planè modo, quo dictum Decretum in una Catholicorum Parochia publicatum non ligat in alia, in qua ejus promulgatio secuta non fuerit, uti præceteris arguunt *Tannerus Theolog.* tom. 4. disput. 8. q. 3. dub. 6; n. 122., *Dicastill de Matrim. disput. 3. dub. 4. num. 24.* & *Marin. Theolog. tom. 3. tract. 23. disput. 9. sect. 3. num. 43.* ubi sic inquit „Secundò, quia in talibus locis, subi Hæretici habent suos Prædicantes, licet Parochia Hæreticorum, & Catholicorum sit phisicè eadem, moraliter sunt duæ Parochiæ fide, & moribus distinctæ, ideoque promulgatio Decreti Tridentini moraliter censetur facta in una Parochia, & non in alia, cum facta non sit à Prædicantibus Hæreticis.“

28. Secundò, quod Hæretici, restricti as accepta, nullam habeant Parochiam, proindeque tamquam vero, & proprio Parocho carentes ea non ligentur lege, quæ jubet, Matrimonia coram proprio Parocho celebrari, juxta ea, quæ oportatur *Philippus Gamacheus in 2. part. tract. de Matrim. cap. 28. in fin.*, ubi ait „Hæreticos non habere ullam Parochiam, quia Hæretici moraliter loquendo, non reputantur Parochiani nostrorum Ecclesiarum; licet in eorum confinio habitent, eo quia nullo modo ad eas accedunt, & palam confitentur; nolle unquam accedere, nec ad eas accedere aliquando coguntur.“

26. Tertio, quia vetitum cum sit Parocho assistere Matrimonio, sive inter Hæreticos, sive inter Catholicum, & Hæreticam contrahendendo, uti rescripsit Sacra hæc Congregatio die 22. Junii 1624. lib. 12: Decr. pag. 183. in hæc verba „Sive alter tantum ex Conjugibus sit hæreticus, sive ambo; nullatenus deberet Parochium Hæreticorum Matrimoniis assistere, „ & in Causa; cui titulus „ Dubia Jurisdictionis Cappellanorum exercitus, „ cum disceptatum fuerit „ VIII. Annus Cappellani Catholicæ assistere possint Matrimonios Acatholicon cum Acatholicis, & respectivè Catholicis etiam intra fines Italiæ, „ die 6. Martii 1694. prædiuit Rescriptum; - Negative, ut in lib. 44. Decr. pag. 80., impossibile propterea sit Hæreticis uti præsentia Parochii in suis Matrimoniis, adeoque nihil planè discriminis intercedat ab eo casu, quo vel Parochius omnino desit, vel tutus ad eum haberi nequeat accessus; inde pari prorsus ratione valere debeat Matrimonium

inter Hæreticos celebratum absque præsentia Parochi qui nequit accersiri, vel accersitus non assisteret; cum in iis, quæ juris humani sunt, cesse re censeatur obligatio servandi legem, quæ sive phisicè, sive moraliter servari non potest, ut cum aliis observat Fagnan. in cap. si Clericus. n. 58. de For. competen.

30. Quartò, quod Hæretici, si doctiores excipias, sæpedictum Decretum, quo Clandestini Conjugia irritantur, prorsus ignorent, unde teneri non debeant pœnâ legis, quam nesciunt, se violari.

31. Quintò, quod Hæreticorum Ministelli communiter veri, ac legitimi Parochi reputentur; Matrimoniis verò ineundis nedum verus, & proprius Parochus, sed etiam is, qui ex communì Populi errore pro vero, ac legitimo Parocho, licet re ipsa talis non sit, validè assistit, juxta receptissimam sententiam, quam cum aliis sequuntur Pichler. in Jus Canon. lib. 40. tit. 1. n. 98. Et tit. 3. n. 16., pluresque ex Doctoribus supra relatis.

32. Sextò, quod admodum verisimile sit, Tridentinos Patres ex quadam Epicheja noluisse Hæreticorum Matrimonia sub Decreto sæpedicto comprehendere; quippe qui optimè scirent, plura graviissima pericula, & incommoda ipsis immovere, si, posthabito Ministro Heterodoxo, vel lent sua Connubia coram Catholico Parocho celebrare; adeoque, licet forma ad alicujus actus validitatem præscripta nequeat, quacumque etiam urgente necessitate, immò etiam concurrente impossibilitate eam servandi, absque ejusdem actus nulli-

hūllitate omitti; uti contingit in Matrimonio; quod, si fortasse in articulo mortis; sive ad legitimandam prolem; sive ad avertendum quodcumque aliud gravissimum incommodum absque præsentia Parochi celebretur; irritum esset; tametsi in ea temporis angustia impossibile fuisset; Parochium adhiberi; secundum ea; quæ fusè tradunt Suarez. de legibus lib. 5. cap. 23. per tot.; Sanchez de Matrim. lib. 3. disput. 17. n. 7.; Guttierrez eodem tract. cap. 61. n. 4.; Pontius lib. 5. cap. 6. num. 33; Perez disput. 39. sect. 4. n. 4.; Navarr. cons. 45. sub. tit. de sponsal. parte edit. Barbos. de Offic. & potest Episc. alleg. 32. num. 147.; attamen ubi impossibilitas universalis; & perpetua foret; totamque Rempublicam; Regionem; aut Communitatem aliquam afficeret; omnis æqui; bonique ratio postulet; ut talis forma; quoad illud Personarum genus; cui difficultum; ac fermè impossibile redditur; eam servare; non censeatur inducta; quemadmodum cum aliis expendit Marchanc. in Tribun. Sacram. par. 3; tit. 1. quest. 8. concl. 3.

33. Septimò; quod à centum; & ultra annis; post promulgatum scilicet; usque ab initio fortae etiam receptum Tridentini Decrētum; inoleverat in Hollandia; aliisque Provinciis confœderatis universalis; & pacifica consuetudo celebrandi inter Hæreticos Matrimonia sine Parochi præsentia coram Magistratu; aut Ministro Acatholico; centenaria autem ejusmodi consuetudo ut pote vim habens novam induendi Legem facilius potuerit abrogare illam à Tridentino indictam; uti cum aliis arguit Wiestner in Ius Can. lib. 4. de Sponsal. & Matrim. art. 9. num. 191. E 2 34.

34. Octavò, quod luctuosa incommoda, quæ ex clandestinis connubiis solent oriri, quæque Sacrosancta Tridentina Synodus voluit avertere, sufficienter ex nuptiis publicè coram Magistratu, vel Ministro Acatholico ineundis evitentur, adeoque satis inde factum videatur menti Tridentinorum Patrum, ut supervacaneum sit ulterius sæpedictæ sanctionis implementum postulare, uti inter alios ponderant *Stalenus in dissert. Theolog. Politic. part. 2. cap. 4.* & modernus Lovaniensis *de Jure Ecclesiast. Tom. 1. par. 2. tit. de Sponsal. 4. n. 31. ad fin.*

35. Nonò, quod Apostolica Sedes à sæpedicta Tridentina Lege Hæreticos tacitè dispensasse censatur, quemadmodum in specie differunt *Sporer. Theol. moral. Tom. 3. par. 4. cap. 1. seff. 1. num. 35.* ubi sic ait „Putandum non est, Decretum se ad „Matrimonia facta ibi sine Parocho extendere, „adeoque Matrimonia Hæreticorum ibi sine Pa- „rocho Catholico, sive coram Ministro Hæretico „celebrata, esse valida, quippe sciente, nonque „contradicente, eoque ipso tacitè consentiente „Summo Pontifice, ne multa ibi incommoda „orientur, quod Filii eorum legitimè nati non „essent, ideoque non capaces Officiorum, vel „Sacrorum Ordinum, - *Marin. Theol. tom. 3.* „*tract. 23. disput. 9. sect. 3. num. 44.* ibi - Hæc „sententiâ valde verisimilis est, quia non est cre- „dendum, esse voluntatem Pontificiam, ut De- „cretum Tridentini se extendat ad ea Matrimonia, „unde multa incommoda orientur, si eorum Filii „non sint legitimi, non capaces Officiorum, Dig- „nitatum, & Sacrorum Ordinum, præcipue „cum

„cum Papa sciens non contradicat, nec declaret
 „irrita ejusmodi Matrimonia, - Piring. in. Ius Can.
 „lib. 4. de Clandest. de sponsat. §. 2. n. 12 circa fin.
 „ibi - In Locis, ubi Concilium Tridentinum est
 „promulgatum, & Hæretici cum Catholicis per-
 „mixti vivunt, valida erunt Matrimonia sine vero
 „Parocho celebrata propter tacitam dispensatio-
 „nem Summi Pontificis, qui sciens ejusmodi Ma-
 „trimonia contrahi, non contradicit, nec irrita
 „declarat, ideoque non est existimandum, velle
 „Pontificem, ut Decretum Concilii Tridentini
 „ad ejusmodi Matrimonia Clandestina se extendat,
 „ne multa gravia incommoda inde oriatur, - &
 „Konig. in Ius Can. lib. 4. tit. 3. de Clandest. de-
 „sponsat. num. 4. vers. Dico secundo ibi - Primaria
 „ratio est, quia præsumi non debet de pia Matre
 „Ecclesia, quod ~~X~~unquam mens ejus fuerit ob-
 „defectum legitimi Parochi nullare ejusmodi
 „Matrimonia propter maxima mala, ac pericula
 „inde proventura; Si enim Acatholici viderent
 „suos Liberos natos ex talibus Matrimoniiis à no-
 „bis haberi pro illegitimis, quantæ hinc calami-
 „tates, atque passim Catholicorum persecutio-
 „nes? Quot Bella, & Seditiones moverentur?
 „Accedente præterea in argumentum præsumptæ
 „dispensationis, quod nedum Summus Pontifex
 „Hæretorum Matrimonia absque Parochi præ-
 „sentia in iis regionibus passim contracta hactenus
 „invalida non declaravit, verum etiam neque Ma-
 „trimonia prædicta post ipsorum conversionem
 „consueverunt coram Parocho, & Testibus re-
 „staurari, minusque Conjugi ad Fidem converso
 „permisum fuit, priori relicta Uxore, ad secun-

„da vota transire, sed eadem Matrimonia prorsus valida fuere reputata, ac usque dum reputantur, ut Filii inde procreati tamquam legitimi absque ulla Apostolica dispensatione ad Ordines solent promoveri, quemadmodum, veluti Testes ~~peculati~~ referunt, „Pichler. in suis Canon. lib. 4. de Clandestin. de sponsat. nume 16., Wiestner. tit. de Sponsal. num. 197., Schmalzgrueber eodem loco num. 379., Stalenus Dissert. de Matrim. Hæretic., & Suvanen. in L. ssert. de Sponsal. duorum.

36. Ad hæc plurimum momenū constituitur in eo, quod Joannes Episcopus Castoriensis olim per Provincias confœderatas Vicarius Apostolicus, cum super hac ipsa quæstione Congregationem S. Officii consuluisset, hoc accepto, uti afferitur, Responso, „non convenire, ut ea quæstio à S. Officio defineretur, verum statueret ipse, quod cederet animarum sibi creditarum saluti maximè expedire, „ratus præstare magis, ut ea, de quibus dubitari contigerat, Hæreticorum Matrimonia valida declararentur, literis ad Episcopum Gandensem 14. Augusti 1685., & ad Antonium Hoessac Cathedralis Antverpiensis Canonicum 14. Decembris ejusdem anni datis, Matrimonia prædicta valida esse, ac pro validis habenda fore, edixerit: qua de re apud Sacram hanc Congregationem insimulatus, quidquid à se actum fuerat, enunciato Supremi Tribunalis Sacrae Inquisitionis Responso vindicaverit, ita ut, auditis etiam rationibus, quibus se motum afferuit Episcopus Castoriensis, nihil amplius contra Doctrinam, & praxim ab eo inductam fuerit subinde decretum, uti affirmat Stalen. in Dissert. Theolog. politic. de Matrim.

*Matrim. Hæret. par. 2. cap. 4., Suvanen. in citot.
Dissert. de Sponsata Duorum, modernus Lovanien-
sis de fur. Eccl. univers. par. 2. tit. 12. cap. 5. n. 33.
La Croix lib. 6. quest. 3. n. 798., & Arsdokin. in
Theolog. Tripartit. Tom. 2. Par. 2. Tract. 4. cap.
8. §. 4.*

37. Decimò tandem rationibus hactenus allatis addi posse videtur, id saltem evinci, quod ex omnibus præmissis, atque ex tot Doctorum autoritate probabile, ut minimum sit, controversa Hæretico- rum Matrimonia sæpedicto Tridentino Decreto non subjaceret: Ubi autem probabile est, impedimentum aliquod Matrimoniorum validitatem inficiens nequaquam in jure subsistere, tunc eadem Matrimonia censenda sint validè celebrari ob ipsius Matrimonii favorem, ejus namque validitas juxta cap. fin. de Sentent., & re judic. quoad fieri potest, sustineri debet, & in specie ad rem tradit P. Viva in Theses damnatas par. 2. proposit. 1. num. 29. ubi ait, quod rationabiliter Ecclesia vult favere Matrimonio, reddendo illud validum, quoties juxta probabiles opiniones contrahitur, ostendens, id procedere, non solum in Matrimoniis contractis, verum etiam in contrahendis, & consonare videtur Sanchez. lib. 8. de Matrim. Disput. 6. num. 18., Diana par. 4. tract. 4. resol. 4., Cardenas in sua Crisi Theolog. Proposit. 1. Dissert. 2. cap. 8. art. 3. & seqq., Pichler. in fus Canon. lib. 4. tit. 1. num. 100.

38. Istæ igitur rationes tot Doctorum autoritate firmatæ, nisi seorsim, singulæ conjunctim saltem, uti fas est, acceptæ videntur plurimum urge- re pro validitate Matrimoniorum, de quibus agi- tur: At ne quidquam ex iis, quæ in re tanti mo-

menti merentur expendi, prætereatur, operæ pretium erit in unamquamque earum quædam animadvertenda subiicere.

39. Ad primam scilicet de duplice Paræcia in quolibet Parochiali Districtu consideranda, Catholicorum nempe una, & altera Hæreticorum, ponderandum est, num ratio hæc suffragari possit Hæreticis Hollandiæ, aliarumque Provinciarum confederatarum, ubi judicetur, Tridentini Decretum fuisse in illis Regionibus jussu Philippi II. sufficienter promulgatum circa annos 1565. & 1566.; tunc enim Hæretici, neque peculiarem Pseudo-Parochiam potuerunt adhuc sibi constituere, neque postmodum id iis licuit, ne afferatur hoc pacto Hæreticos posse ab Ecclesiasticis Legibus, quibus directè subjiciuntur, se se indirectè subducere, ac liberare contrà ea Juris principia, quæ ad rem expendunt Zippelius in *Jus Can.* lib. 4. tit. de Sponsal., & Matrim. num. 15., Schmier jurisprud. Canonico civil. Tom. 3. lib. 4. tract. 3. cap. 5. Sect. 4. §. 1. num. 86., La Croix Tom. 2. lib. 6. par. 13. num. 869. & seqq., Eminentissimus Petrus Tom. 4. in suis eruditissimis Commentariis ad Constit. 12. Iohannis XXII. num. 19. & 23.

40. Ad secundam, quod Hæretici non ligentur Tridentini Decreto, quia re ipsa nullum habeant proprium Parochium, expendenda sunt, quæ cum Basilio Pont. de Matrim. lib. 5. cap. 7. num. 1., & in appendic. cap. 9. §. 1. num. 1. responderet Verri-cell. de Apostolic. Mission. tit. 12. de Matrim. quest. 174. sect. 4. num. 9. ibi, Hæreticus subjectus est „Jurisdictioni Ecclesiæ, nequit enim ab ejus jurisdictione contumacialiter se eximere, cui jure Di-

22 ving

„vino subjicitur per Baptismum, ergo Papæ sub-
 „jectus est, cæterisque Superioribus Papæ Subor-
 „dinatis, ut Episcopis ergo, & Parochis, nam non
 „minus Parochus, quām Episcopus est ejus Pastor,
 „quamvis ille immediatus, & subordinatus, ergo,
 „sicuti nequit contumacialiter se eximere à Papæ,
 „aut Episcopi jurisdictione, ita nec Parochi, ergo
 „proprium Parochum, & Parochiam habet; neque
 „obstat argumentum Gamachei, quod scilicet Hæ-
 „reticus nunquam adeat Parochiam, & profiteatur,
 „se nolle eam adire, nam esse sub tali Parocco non
 „provenit, quia Parochiale Ecclesiam quis adeat,
 „sed quia habitat in tali loco; neque contumacia
 „Hæretici potest eum à Parochi jurisdictione exi-
 „mere, alioquin ex delicto commodum reportaret;
 „nec etiam obstat, Hæreticos non compelli ad
 „Parochiam adeundam, vel quia non possunt com-
 „pelliri, vel ad majora incommoda vitanda non com-
 „pelluntur; hoc autem non indicat consensum ap-
 „probativum, sed permissivum Superiorum, tum
 „quia frustra compellentur adire Parochiam, non
 „abjurata Hæresi, quare patet, non excusari. ,,

41. Ad tertiam de impossibilitate reperiendi
 Parochum, qui Matrimoniis Hæreticorum assistat
 ob Decreta id Parochis districte vetantia, opponi
 videtur Regula Juris, quod tunc solum cessat obli-
 gatio servandi aliquam Legem, quando impedimentum,
 ne illa servetur, aliunde provenit, quām
 ex culpa ejus, qui legis vinculo obstringitur, secus
 enim culpa ipsa commodum Delinquenti adferret.

42. Ad quartam de ignorantia Tridentini De-
 creti apud Hæreticos hodiernos fermè generaliter
 vigente, proindeque de ipsorum exemptione tam

à lege, quām à pœna legis, quam communiter ignorant, perpendendum est, num assertæ ignorantis effectus eousque protendi possit, ut habilitas, quam Tridentina Synodus omnibus semel Ecclesiam ingressis ad Matrimonium sine præsentia Parochi ineundum ademit, ab Hæreticis obtineri censenda sit, cum de cætero lex omnis, quæ irritans dicitur, etiam ignorantes afficiat, ut tradit Suarez de legibus lib. 5. cap. 22. num. 4., ac signanter de Tridentino Decreto docent Sanchez de Matrim. lib. 3. cap. 17. num. 10., Basilius Pont. lib. 5. cap. 6. num. 18., Perez disput. 39. sct. 5., Guttierrez de Matrim. cap. 61. num. 11., Castropal. par. 4. tract. 28. de Sponsal. disput. 2. punct. 13. §. 8. n. 7., ubi rationem assignant his verbis „Quia irritatio „actus non in pœnam contrahentium clandestinè „imponitur, sed in odium talis contractus, ut in „convenientia inde orta vitentur, ac proinde sive „ignoranter, sive scienter Matrimonium Clanc- „destinum contrahatur, nullius est valoris, „la Croix tom. 2 lib. 6. par. 3. de Matrim. num. 172., ubi ita respondet „Ad quartum admitto, quod „invincibilis ignorantia possit excusare à peccato, „sed illa non potest eos facere habiles ad contra- „hendum, quos Ecclesia reddidit inhabiles, uti „patet in consanguineis, qui, si contrahant etiam „ignorantes impedimentum, invalidè contra- „hant, „

43. Ad quintam, quod Hæreticorum Ministelli utpote pro veris, & legitimis Parochis communiter ab illis habitu, eorumdem Matrimonii validè assistant, ex regula de Parocco putativo passim recepta, occurri facile potest sententiâ à pluribus gravis-

gravissimis Doctoribus acerrimè propugnata, quod nisi cum errore communi concurrat quoque titulus coloratus, quo certè Hæreticorum Ministelli prorsus destituti sunt, solus ille communis error ad validitatem actuum, qui celebrantur, sive quibus assistitur à Pseudo - Parocho, non sufficiat, quemadmodum adhærens opinioni quinquaginta circiter Doctorum, quos recenset, mordicus tuetur *Sanchez de Matrim. lib. 3. disput. 22. num. 29.*; Præterquam quod, ubi etiam titulus non reputaretur necessarius, sed error communis sufficere posset, juxta sententiam *Pont. lib. 5. de Matrim. cap. 20. n. 2. Dian. parte 3. tract. 4. resolut. 142.*, cum iste debeat in hunc finem esse probabilis, non autem, ut dici solet, crassus, atque supinus, difficultas adhuc superesset, num talis censi^r queat error ille Hæreticorum ex obdurate ipsorum pertinacia derivatus.

44. Ad sextam de verisimili Tridentinorum Patrum voluntate non comprehendendi ex quadam epicheja sub ea lege connubia Hæreticorum, quippe qui secus gravissimis exponerentur periculis, si, posthabito Ministro Hæretico, vellent Matrimonia coram Catholico Parocho celebrare, vindetur objici posse, neminem sub obtentu verisimilis æquitaris, aut Epichejæ à Generali Decreto præsentiam Parochi pro forma Matrimonii explicitè demandante immunem cendum fore secundum ea, quæ per *Text. in cap. Cum dilecti de rescript. in terminis notat præ cæteris Castro Palao part. 4. punct. 13. §. 8. n. 9.*, eoque minus Hæreticos, qui, dum Ecclesiæ leges contemnunt, si mala deinde ipsis, & gravia, ut dici solet, per acci-

accidens obveniunt incommoda, non debent tamen ab iisdem legibus eximi, uti cum aliis rationatur *la Croix tom. 2. lib. 6. par. 3. de Matrim. num. 772.*, accedente præterea, non facile quemquam sibi imperare posse, ut credat, noluisse Tridentinos Patres memoratam legem protendi ad Hæreticos Hollandiæ, Zelandiæ, Frisiæ, aliarumque Provinciarum confederatarum, ut enunciata mala evitarentur, quia, licet communiter receptum sit, Hæreticos Ecclesiæ legibus post infelicem eorum lapsum non teneri, quipps quod nolit Ecclesia potestatem, & Jurisdictionem, qua cæteroquin pollet, in Filios illos perduelles exercere, ad notata per *Marchant. in Tribunal. Sacram. tom. 3. par. 3. tract. 1. tit. 6. quæst. 4. conclus. 4.*: Hæc tamen ratio videtur suffragari tantum Hæreticis Angliæ, Scotiæ, Hiberniæ, Sveciæ, Daniæ, aliarumque Provinciarum, quæ ante annum 1545., quo Tridentina Synodus haberi cœpit, hæresi jam infectæ reperiebantur, juxta tradita per *Wex. Ariadn. par. 5. tract. 2. §. 1. num. 25. Schmaltzgrueber in Jus Canon. de Clandest. de spons. §. 2. num. 98.*, *Schmier eodem loco lib. 4. tract. 3. cap. 5. sect. 4. §. 1. num 86. & seqq.*; Secus verò quoad præfatos Hæreticos Hollandiæ, aliorumque Statuum Confederatorum, qui ab Hispano Imperio, & à Catholica Religione defecere post jam absolutam Tridentinam Synodum, juxta ea, quæ ex historicis Scriptoribus superioriis sunt adnotata.

45. Ad septimam de consuetudine à centum, & ultrà annis inducta celebrandi Matrimonia sine Parochi præsentia coram Magistratu, aut Mini-

stro
der
der
hæ
Jur
in I
lici
reli
in I
duc
stue
itid
que
cor
tur
acc
sax
sæp
gur
Wu
art
sen

que
plu
stat
reti
alio
mat
esse
nio
Cat
sed

stro

stro Hæretico, cuius vigore contenditur lex Tridentini abrogata, perpendendum est, num eadem consuetudo, veluti proveniens ex infecta hæresis radice, ex insano Potestatis clavium, & Jurisdictionis Ecclesiasticae contemptu, ex odio in Ecclesiam, & ex pertinaci errore, quo Acatholici autoritatem Legislatoris à Christo Domino reliquit suu in Terris Vicario negant, ullius hac in re momenti valeat judicari, ut expendunt adducti per Less. loc. supracit. cas. 1. num. 3. & Reiffenstuell. in Jus Canonic. lib. 1. de consuet. num. 145. itidemque ponderandum, an ea censeri debeat quocumque Summi Pontificis alioquin necessario consensu destituta, cum præsumi non posse videatur, Supremum Ecclesiæ caput suum consensum accommodasse consuetudini, qua Hæretici Ecclesiæ rebelles propria freti pertinacia tentarunt se à sæpedicta Tridentini I. ege subducere, tui hoc arguento passim utuntur Doctores adducti per Wiestner in Jus Can. lib. 4. de Sponsal. & Matrim. artic. 9. num. 191., & alii plures priorem tuentes sententiam.

46. Ad octavam, quod sati obtineatur finis, quem Tridentini Patres intenderunt atcendi mala plurima ex clandestinis connubiis provenientia, statim ac ista coram Magistratu, sive Ministro hæretico celebrantur, hisce verbis respondet præter alios La Croix Theolog. moral. lib. 6. part. 3. de matrim. num. 772. Ad 3. dico, mentem Ecclesiæ esse non tantum, ut publicè sibi constet de Matrimonio legitime contracto, alioquin etiam in Partibus Catholicis sufficeret contrahere coram Magistratu, sed ut sibi de hoc constet per suum qualificatum Ministrum?

nistrum; Parochus enim non adhibetur mere tamquam Testis, sed cum Matrimonium sit Sacramentum, Ecclesia voluit, ut ipsi assisteret talis Ministeris solemnitatis, quem voluit esse proprium Parochum.

47. Ad nonam de tacita dispensatione, quæ præsumi debeat ab Apostolica Sede indulta; ne huic Tridentinæ Sanctioni modo amplius obnoxii censeantur Hæretici, ponderandum imprimis est, huic præsumptæ dispensationi plurimum officere iteratas Resolutiones, (quarum aliqua descriptæ fuerunt in Folio diei 17. Augusti 1737. & aliæ etiam recentiores ad calcem præsentium Adnotationum apponentur) ex quibus conjicitur, tam Sacram hanc Congregationem, quam alteram S. Officii pluries censuisse, controversa Hæretorum Matrimonia, veluti sine Parochi præfentia contracta, tamquam invalida habenda esse, quemadmodum cum aliis advertunt adducti per Wiestner in *Jus Can. lib. 4. de Sponsal. & Matrim. art. 9. num. 191.*, & Konig. in *Jus Can. eod. lib. 4. tit. 3. de Clandest. de sponsat. num. 4. vers. Dico Secundo*, -- prætereaque merentur expendi, quæ in ejusdem tacitæ dispensationis exclusionem proponit prælaudatus, *La Croix loco mox allegato*; Ecclesia aliquando contradixit, ut constat ex dictis, neque prudenter præsumi potest quod Papa nunc velit indulgere, & permittere respici Leges illas ab illis Rebellibus, qui ei negant postulatam ad talia impedimenta inducenda, vel tollenda. Quod autem saepius non contradixerint Pontifices, inde est, quia sciebant, ni profuturum apud Contumaces, & satis erat semper saepius

, s̄æpiusque protestatum esse; nam, ut recte notat
,, cum communi Suarez, ex hoc solo, quod Superior
,, etiam sciens aliqua permittat, inde non posse uni-
,, versaliter colligi ejus consensum, quia multa per
,, patientiam tolerantur, quæ non approbantur, ut
,, dicitur cap. Iamdudum de Præben. & huic faci-
,, unt verba, quæ Tridentinum sess. 24. cap. 5. de
,, Refor. Matr. ex jure profert; non enim dignus
,, est, qui Ecclesiæ benignitatem facile experiatur,
,, cuius salubria monita temerè contempsit. Quod
,, si illi ipsi Hæretici scirent, Papam sic benignè se-
,, cum agere, irridenter eum, uti solent, ergo cen-
,, seri debet, quod Papa pergit manere invitus. Pro-
,, batur tertio, quia in facultatibus extraordinariis,
,, quas singulis quinquenniis Sacra Sedes concedit
,, Nunciis Apostolicis, & Episcopis Germaniæ, hæc
,, est una dispensandi in tertio, & quarto simplici, &
,, mixto tantum cum Pauperibus contrahendis, in
,, contractis vero cum Hæreticis conversis etiam in
,, secundo simplici, & mixto, dummodo nullo
,, modo attingat primum gradum, & in his casibus
,, prolem suscepitam declarandi legitimam, ex qua
,, facultate colligitur, Papam etiam nunc non agnos-
,, cere illa Matrimonia Hæreticorum cum impedi-
,, mento Consanguinitatis, aut Affinitatis contrafacta
,, esse valida. Quod autem addit, Filios eorum cen-
,, seri legitimos, verum est, saltē pro Foro externo,
,, & civiliter secundum dicta lib. 4. num. 754.
,, Hinc etiam quandoque dissimulatur ab Epis-
,, copo, quandoque autem non; ideo pro securitate
,, à plerisque petitur dispensatio.,, Advertenda ta-
men sunt verba, quæ postmodum subjicit iste Au-
thor, quæque illum non satis firmum in impug-
nanda

nanda validitate ejusmodi Matrimoniorum ostendunt; Inquit enim -- NEGARI AUTEM DEBET, QUOD TALES CONJUGES CONVERSIS POSSENT AB INVICEM DIVELLI QUIA PROBABLE EST, EJUSMODI MATRIMONIA VALERE, ET ESSE VERA SACRAMENTA.

48. Decimæ tandem rationi, quæ initititur dispositioni Juris Matrimoniorum validitatì faventis libenter admittendæ, ubi ex copia, & gravitate Doctorum satis probabile reddatur oppositum aliquod impedimentum non subsistere, duplex videtur objici posse animadversio: prima scilicet, num probabilis verè dici queat sententia dictorum Matrimoniorum validitatem propugnans, cui Resolutiones Sacrarum Congregationum Urbis adversantur; altera verò, quod, licet Matrimonium, postquam fuit contractum, debeat validum reputari, si dubium insurgat, illud fuisse cum impedimento dirimente initum, sed probabile sit, impedimentum illud nequaquam subsistere, ut ad rem notat saepius dictus *La Croix Theol. moral. lib. 6. part. de Matrim. num. 167.* ibi -- „*Si Matrimonium jam sit ita contractum, poterunt Conjuges etiam conversispermanere in usu illius, quamvis consensum non renoverent coram Parocho Catholico, quia probabile est, fuisse validum, & sequendo hanc opinionem probabilem, haud Sacramentum exponitur periculo nullitatis, vel irreverentiae;* at si agatur de Matrimonio ineundo, non eadem videtur recipi posse sententia, ut in terminis, quod nequeant Hæretici juxta præmissam Staleni, aliorumque opinionem Matrimonia contrahere, tuetur idem *la Croix loc. cit. num. 169.* sic Inquiens -- „*Probabilius est, non esse licitum*

CORP

„contrahere, suadere, aut cooperari Matrimonio
 „ineundo secundum relatam Staleni, & aliorum
 „sententiam, quia secundum damnationem primae
 „propositionis ab Innocentio XI. factam illicitum
 „est in administratione Sacramenti sequi senten-
 „tiam probabilem, relicta tutoire, quando agitur
 „de valore, nisi aliunde accedit certitudo, uti
 „dictum est lib. 6. par. 2. num. 104. ad n. 111.
 „atqui sententia Staleni est tantum probabilis, &
 „opposita est tutior, agiturque de Sacramenti va-
 „lore, pro quo non accedit aliunde certitudo, cum
 „sententia illa non sit communiter recepta, nec
 „conformis stylo Curiæ Romanæ, quæ, si interro-
 „getur, resolvit talia Matrimonia esse invalidè con-
 „tracta ; ergo quandò Matrimonium est adhuc
 „contrahendum, illicitum est sequi sententiam
 „illam, relicta tutoire, - Hactenus memoratus
 Author. Et hæc sunt, quæ ad librandum, æstimati-
 dumque pondus rationum superiùs allatarum vi-
 dentur considerari posse.

49. Ad hæc verò, quia inter Authores propug-
 nantes validitatem Matrimoniorum, quæ sine præ-
 sentia Parochi ab Hæreticis contrahuntur, ubi De-
 cretum Tridentinæ Synodi est promulgatum, rem
 satis diffusè pertractat *Theophil. Raynaudus in Hæ-
 terocl. spirit. tom. 16. sect. 1. punc. 14. n. 8.*, atque
 ex ejus argumentis facilè in memoriam redire que-
 unt graviora momenta in utramque partem recen-
 sita, licet potissimum agere videatur de Matrimo-
 niis in Gallia contractis, non abs re est ipsius verba
 transcribere. Putat ille siquidem valida probari
 Hæreticorum conjugia absque Parocco contracta-
 „Quia, nisi id admittamus, fatendum erit, omnia

F

Hæreti-

„Hæreticorum Matrimonia in Gallia esse fornica-
 „tiones, & omnem eorum Sobolem esse illegiti-
 „mam: Nam vix est Paræcia ulla in Gallia, in qua
 „Decretum Concilii Tridentini adversus Clande-
 „stina Matrimonia non sit promulgatum, & tamen
 „celebrantur ibi ab Hæreticis conjugia non coram
 „Parochis, sed corum Ministris. Igitur, si assisten-
 „tia Parochi æquè pro Hæreticorum Matrimonio
 „exigeretur, ac pro Matrimonio Catholicorum,
 „omnia Hæreticorum Matrimonia per Galliam
 „essent scortationes, omnes Hæreticorum uxores
 „scorta, omnes Liberi spurii haberi deberent, quod
 „dici non posse multa evincunt; Nam alioquin
 „malè faceret Ecclesia, cum id simularet in Hære-
 „ticis, nec ea, ut de aliis sceleribus, quæ ex impiis
 „Dogmatibus exercent, ut de negatione Baptismi
 „Pueris extra Cathechismus, de ciborum contrain-
 „terdictum usu, deque aliis plerisque illicitis re-
 „dargueret. Malè item ficeret, cum redeuntibus
 „ad se à Calvinismo Conjugibus, qui in hære-
 „contraxerunt, & consummarunt, non præscribe-
 „ret, ut confiteantur, quoties usi sint prætenso Ma-
 „trimonio; nam juxta sententiam, quam rejicimus,
 „totiès peccassent mortaliter. Et quamvis dici pos-
 „sit, quod id ab aliquibus non sit explicandum quia
 „fuerunt in bona fide, nec mortaliter deliquerunt
 „ea in parte: tamen plerique alii, ut qui inter eos
 „sunt eruditiores vel à nostris Doctribus id inau-
 „dire potuissent, bona fide caruissent, atque adeo
 „tenerentur ad explicandum prædictum nume-
 „rum, quod dicere esset, usum omnium Veritorum
 „Confessorum damnare, & illaqueare Consci-
 „entias, nec modicum obicem conversioni pluri-
 „morum opponere.

50. Ad

50. Ad argumentum ex Tridentino desumptum
 „respondet -- hanc legem, tametsi justam , & san-
 „ctam , esse tamen humanam : atque adeo aduersus
 „eam posse præscribi interveniente bona fide , &
 „silente Ecclesia. Qamvis enim exemptio à sub-
 „jectione debita potestati Spirituali Summi Pon-
 „tificis non possit præscribi , cum ea subjectio sit
 „Juris Divini , & nulla humana obfirmatione , aut
 „voluntate sit abdicabilis, tamen exemptio ab ob-
 „ligatione legis semel latæ , nec renovatæ à Supe-
 „riore præscribi potest consuetudine , ut definivit
 „Greg. IX. cap. ult. de consuetudine , & ex multis
 „DD. confirmat Covarr. 3. Variar. cap. 13., &
 „nominatim quoad leges humanas de sic, vel aliter
 „ineundo Matrimonio id ipsum notavit Lessius de
 „just. cap. 6. n. 45.; neque dicas ad præscriben-
 „dum exigi bonam fidem, quæ Hæreticiis deest ;
 „quamvis enim Hæretici quoad dissensum à Fidei
 „Dogmatibus careant bona fide ; tamen quoad
 „usus Sacros , & Leges politicas Ecclesiasticas pos-
 „sunt bona fide potiri , præsertim qui non inchoa-
 „runt usum contrarium Legi Ecclesiasticæ, & Præ-
 „latis , quorum esset legis neglectæ observationem
 „curare nihil tale urgentibus.

51. „Quamvis igitur Hæretici (*prosequitur idem Author*) initio cum Lex Concilii Tridentini quoad
 „Matrimonia Clandestina in Locis ipsorum pro-
 „mulgata est , peccaverint , eam non servando , &
 „irrita Matrimonia celebrarint non advocando Pa-
 „rochum, tamen posteriores, qui priorum vestigiis
 „insistentes, de ea obligatione non cogitarunt, nec
 „dubitarunt , quin validè sine Parocho contrahe-
 „rent, fuerunt quoad hoc in bona fide, tandemque

„per consuetudinem diuturnam, dissimulante Ec-
 „clesia, præscripserunt Jus contrahendi validè abs-
 „que Parochi proprii præsentia, non obstante Lege
 „Concilii obligante Catholicos, circa quos Eccle-
 „sia invigilavit, ut contra eam Legem semel pro-
 „mulgatam non peccarent impunè, & ne contra
 „eam possent præscribere.

§ 2. Respondet etiam argumento desumpto ab
 authoritate S. Congregationis Concilii ita scribens
 „Quod verò Eminentissimi Cardinales declara-
 „tioni Tridentinorum Decretorum præfecti affir-
 „massè dicuntur, Decretum hoc Tridentinum de
 „advocando Parocco obligare etiam Hæreticos, si
 „sit promulgatum in Locis, in quibus degunt, ex-
 „pediri potest dicendo, vere ita esse rem spectando
 „unde, & attenta vi juris humani legitime nondum
 „præscipti. Id enim intererat docere, quia est per
 „se, & pertinet ad communem Juris obligationem.
 „Quod autem aliqui, intervenientibus conditioni-
 „bus ad præscribendum idoneis præscribant con-
 „tra Legem, & per accidens, nec consideratur. Sa-
 „pientibus, sicut, qui diceret Legem Jejunii obli-
 „gare etiam Mulieres in tali ætate, rectè diceret per
 „se loquendo, neque esset repræhendendus, eo
 „quod Mulieres gravidæ, etiamsi ad eam ætatis
 „mensuram pertigerint, non teneantur lege Eccle-
 „siastica Jejunii; quia per accidens est ad legem la-
 „tam pro Personis in tali ætate constitutis, quod
 „inter eas aliquæ habeant impedimentum gravidit-
 „atis, DD. autem æquæ, ac Legislatores non spe-
 „ctant ea, quæ sunt per accidens, sed tantum quæ
 „sunt per se.

§ 3. „ Hi porrò Eminentissimi Interpretes
 (subjicit

(subjicit ille demum) „non habent locum Legislatorum, neque urgent obligationem Legum ab Ecclesia lata cum, ut obsistant præscriptionibus aduersus eas, sed merè interpretantur Legislatoris mentem, qualis fuit, cum Lex est lata. Ac proinde in re præsenti non infirmant præscriptionem. „Nec tantum, eam nunc infirmant postquam legitime præscriptum est: Sed etiam non infirmassent, „nec impediissent cursum ejus, quamvis eorum declaratio fuisset exhibita ante exactum tempus legitimum ad præscriptionem necessarium, quia eorum scripta (ut dixi) sunt tantum declarationes sensus Legis à Tridentina Synodo latæ, non autem confirmationes, vel renovationes ejus ad abruptam inchoatam præscriptionem, tantumque differunt ab Interpretationibus privatorum DD., „quod sint autenticæ Interpretationes, nec adversus eas recalcitrare liceat, quod fas est adversus aliorum DD. Interpretationes præstare. „

54. Postremò illud etiam pro coronide veluti peculiari animadversione dignum videtur, quod cum viginti, & amplius Authores superius indicati sub num. 25. stent pro validitate Matrimoniorum, de quibus agitur, & eorum plerique scripserint, quum tantum temporis spatium à die defectionis Hollandiæ à fide catholica non præteriisset nec eadem, quæ modò spem ferè omnem redigendi Gentes illius ad obedientiam S. Sedis præscidit, rerum constitutio firmata eslet, ponderandum se offert, an dictorum Doctorum sententiæ libenter hodie sit adhærendum; Eoque magis si conjungatur maxima occasio dubitandi, quod controversum Tridentini decretum nunquam fuerit iis in Regionibus

nibus legitimè promulgatum: Hæc enim sola ratio, quod clarè non constet de legitima illius promulgatione, sufficere potest, ut pro dictorum Matrimoniorum validitate tutò pronuncietur, ad tradita per Doctores allegatos sub num. 13. Immo verò Sacram quoque Congregationem fuisse in sensu, quod in iis Regionibus, ubi non constet Decretum prædictum fuisse publicatum in Parochiis intelligibili idiomate, seu numquam receptum, & in usu positum, vel ipsius memoria perierit; Matrimonia coram non Parochis contracta valida sint, apparet ex Resolutione emanata in *Indiarum Orientalium Matrimonii* 30. Martii 1669., & confert etiam Rescriptum prius editum in *Causa Poloniae* 13. Novembris 1638.

55 Quoniam verò de Resolutionibus, atque Rescriptis hujus S. Congregationis jam plures incidit sermo, ne ista lateant EE. VV., quotquot ad propositam quæstionem pertinentia summo labore exquisita licuit invenire, ad literam, uti ea legere est in libris Decretorum. Eminentiarum V.V. oculis subiiciuntur; At quia ex illis nondum satis Pastorum solicitudini, qui in Belgio, finitimisque Provinciis Animarum curæ invigilant, satis consultum videtur, præstat repetere, quod jam pridem Guillelmus Estius (cujus tamen doctrina num in reliquis mereatur approbari, S. Sedis Judicio relinquitur) firmorem super hac re definitionem exoptans veritus non est pronunciare in 4. dist. 24. §. In fin. „Huic malo, quod ex Hæreticorum inobedientia „nascitur, poterit Ecclesia maturiori consilio, quod „aliquando futurum speramus, occurrere; Idque „vel

„vel explicando Decreti sui sensum, vel novum
„Decretum statuendo.“
Et ita &c. Sub censura &c.

C. A. Archiep. Philippen. S. C. C.
Secret.

E.

R E S O L U T I O N E S

SACRAE CONGREGATIONIS,

Quæ conferre videntur ad Decisionem
Causæ

Iren. Visitationis Sacr. Liminum.

ANTUERPIEN. Licet per Decretum Sacri
Concilii Tridentini Sess. 24. cap. 1. cavea-
tur, quod Matrimonium aliter, quam præ-
sente Parocho, vel alio Sacerdote de ipsius Parochi,
feu Ordinarii licentia, & duobus, vel tribus Testi-
bus contractum sit irritum, & nullum, imposita
etiam pœnâ iis, qui hujusmodi contractui inter-
fuerint, quodque per Bullam fel. rec. Pii IV. ordi-
natum sit, omnia Decreta Concilii ad reformatio-
nem, ac jus positivum spectantia à Kalendis Maii
tunc proximè præteriti omnes obligare cœpisse, ne-
que post eam diem excusationem cujusque admit-
tendam; tamen, dum ex facto proponeretur, Mar-
tinum de Rivera natione Hispanum, dum in Civi-
tate Condonen. Regni Angliae negotiandi causâ
uno, aut altero mense solùm egisset, tertia mensis
Augusti anno 1572. in præsentia cujusdam Nota-
rii publici, & cujusdam Alphonsi Basurtii in quo-